

समा. 09.20 Hrs

1. कैबिनेट नै त्रै महत्वपूर्ण बिले गी मंजूरी दिती विधानसभा दे आँदे इजलास च सदन च रखे जाने दी मेद ऐ।
2. उपमुख्यमंत्री सुरिन्दर चौधरी होरें आखेया ऐ जे कार्जकार पूरा होने पर एहदे कम्में ते उपलब्धियें गी आकेया जाना लोड़चदा।
3. जम्मू-कश्मीर विधानसभा दे स्पीकर अब्दुल रहीम राथर होरें आँदे विधानसभा दे इजलास गितै तयारियें दी श्रीनगर च समीक्षा कीती।
4. आतंकवादियें दी मदद ते समर्थन करने दे इक मामले च पुलसै श्रीनगर शैहरें दे बक्ख-बक्ख इलाकें च छापेमारी कीती।
5. रियासी पुलसै पाकिस्तान च रवै करदे आतंकवादियें लेई कम्म करने आले इक आदमी दी सम्पत्ति कुर्क कीती।

< > < > < > < > < > < >

केन्द्र शासित प्रदेश कैबिनेट नै दस्सेया जा रदा ऐ जे असैम्बली दे ओँदे इजलास दौरान सदन च पेश करने लेई ज्यादातर एजंडा -विषयें गी मंजूरी देई दिती ऐ जेहदे च विधायकें दे हलका विकास फंड गी 3 करोड़ रपे सलाना कोला बधाइयै 4 करोड़ रपे करना बी शामिल ऐ। एहदे

इलावा इक होर प्रस्ताव जेहड़ा गरीब कुड़िये दे ब्याह करोआने सरबन्धी स्कीम बारे ऐ ओहदे च पढ़ाई दी हद्द थमां बी छूट देना बा शामिल ऐ। कैबिनेट नै असैम्बली दे आँदे इजलास च रखने लेई त्रै होर बिलें गी बी अपनी सहमती देई दिती ऐ। उआं कैबिनेट बैठक दे बारे च अधिकारिक तौरा पर कोई ब्यान जारी नैई कीता गया ऐ। दस्सेया जा रदा ऐ जे बैठक दी अध्यक्षता मुखमंत्री उमर अब्दुल्ला होरें कीती, मुखमंत्री हुंदे दफ्तर आसेया कैबिनेट बैठक दे बाद अपने सोशल मीडिया एक्स पर लिखेया गया ऐ, मुखमंत्री उमर अब्दुल्ला हुंदी अध्यक्षता च सिविल सचिवालय श्रीनगर च बैठक लगगी जेहदे च केई महत्वपूर्ण फैसले लैते गे, जिन्दा मकसद शासन दे कम्में गी मजबूती देना ते समूलचें जम्मू-कश्मीर च तरक्की बाददे दे कम्में गी रफ्तार देना ऐ।

<><><><><><>

Dy CM Dev

उपमुखमंत्री सुरेन्द्र चौधरी होरें जोर देइयै आखेया जे मौजूदा सरकार जम्मू-कश्मीर दे लोकें दे पूरे-पराते विकास ते उन्दे कल्याण लेई वचनबद्ध ऐ। एह गल्ल उनें Chanpora विधानसभा हलके दा व्यापक दौरा लाने दौरान आखी। उप-मुखमंत्री होरें आखेया जे उमर अब्दुल्ला हुंदी अगुआई आहली सरकार दा मकसद सब्बनें लोकें ते जम्मू-कश्मीर दे सारे खिते दा सामा ते बरोबर विकास यकीनी करना ऐ। उनें आखेया जे लोक इस सरकार बारे 5 बरे मगरा दे रिपोर्ट कार्ड पर अपनी राय देगंन।

<><><><><><>

Speaker –LA Session

जम्मू-कश्मीर विधानसभा दे स्पीकर अब्दुल रहीम राथर होरें कल श्रीनगर आहले सचिवालय च इक उच्च स्तह दी बैठक लाई। इस दौरान 23 अक्टूबर थां शुरु होने आहले विधानसभा सत्र सरबन्धी तयारियें दा जायजा लैता गया। बैठक दौरान स्पीकर होरें सब्बनें मुतलका अफसरें गी हिदायत दिती जे ओह लोड़चदे सारे इंतजाम करियें रक्खन तां जे सत्र गी सुचारु ढंगे सिर चलाया जाई सकै।

<><><><><><>

Rana-Tribal Dev.

जनजातिय मामलें दे मंत्री जावेद अहमद राणा होरें आखेया ऐ समुदाय दे विकास ते सशक्तिकरण लेई बहु -अयामी नजरिये गी अपनाया जाना लोड़चदा। एह गल्ल राणा होरें प्रधानमंत्री वन-धन योजना दी अमलावरी दा जायजा लैने लेई लाई गेदी इक बैठक च आखी। मंत्री होरें व्यापक योजना बक्ख-बक्ख मैहकमें बश्कार तालमेल ते जमीनी स्तह पर चीजें दी अमलावरी यकीनी बनाने लई गलाया, तां जे सरकार आसेया चलाई जा रदी स्कीमें दा लाह जनजातिय समुदाय तगर पुज्जी सकै। इस दौरान मंत्री होरें PMVDY दी जिलें च प्रगति ते इसदे जनजातिय लोकें दी आजीविका ते समाजिक, आर्थिक विकास पर असर दा जायजा लैता।

<><><><><><>

CS Youth Empowerment

मुख्य सचिव अटल डुल्लु होरें जम्मू-कश्मीर दे नौजवानें दे खेड्डें, संस्कृति, शिक्षा, उद्यमता ते डिजिटल नवाचार राएं सशक्तिकरण गितै विकसित संगठित ढांचे बारे इक तफसीली पेशकारी दी समीक्षा कीती। योजना, विकास ते निगरानी मैहकमे आसेया तयार इस पेशकारी दा विषय सार

ऐ- “यूथ एंगेमेंट” बिल्डिंग टुमारोज लीडर्स मतलब युवाएं दी शमूलियत कन्नै कल्लै दा नेतृत्व तयार करना। मुख सचिव होरें आखेया जे एह कारजक्रम केन्द्र शासत प्रेदश दे नौजवानें च सृजनात्मकता, नवाचार ते नेतृत्व जनेह गुणें गी विकसित करने बक्खी इक महत्वपूर्ण पैहल ऐ, जेहदे पक्क गै सकारात्मक नतीजे सामने आंगन। उनें इस बारे च कुसै इक विषय जां क्षेत्र तगर सीमित नेही रेहियै, बहुमुखी ते बहुउद्देश्यी रीं अपनाने पर जोर दिता तां जे हर नौजवान गी ओहदी क्षमता, काबिलियत, शौक ते दिलचस्पी मतबाक ते उन्दियें आसैं-मेदें मुजब बदधने मठोने दा मौका थोई सकै।

<><><><><><>

Police Raids

आतंकवाद सरबन्धी सरिस्ते गी खत्म करने ते गैर कन्नूनी गतिविधियें पर नकेल कसने दे मकसद कन्नै श्रीनगर पुलस नै कल शैहर दी केई सारी थाहरें पर छापेमारी कीती। सोशल मीडिया दी इक पोस्ट च श्रीनगर पुलस आखेया जे एह छापेमारी आतंकवादियें दे सहायकें ते आतंकवादी संगठन थवां बाहर रेइयै कम्म करने आले Over Ground Workerएं खिलाफ कीती गेई ऐ। एह कारवाई श्रीनगर दे केई सारे इलाकें च कीती गेई। इसदा मकसद उनें लोकें दा पता लाना ऐ जेड़े लोक आतंकवादियें गी रपेया-पैसा उपलब्ध करोआन्दे न ते होर दुई चाली दी मदद उपलब्ध करोआंदे न। छापेमारी दौरान आपत्तिजनक समेयान बी बरामद कीता गया ऐ।

<><><><><><>

J&K –Terror Operative

जम्मू-कश्मीर च कम्म करा रदे आतंकी तंत्र पर बड्डी कारवाई करदे होई रियासी जिला पुलस नै पाकिस्तान आधारत आतंकवादी मोहम्मद शरीफ मिरासी, जेड़ा रियासी जिले दी महौर तहसील च सिलधार ग्रां दा रौहने आला ऐ, दी सम्पत्ति गी जब्त करी लैता ऐ। शरीफ मिरासी 2 हजार च आतंकवादी बनेया हा ते मगरा 2010 च हथियारें दी खरीद ते आतंकवादी सिखलाई आस्तै पाकिस्तान चली गया हा। शुरुआत च ओ हिजबुल मुजाहिद्दीन कन्नै जुड़े दा हा, पर मगरा ओ लश्करें तोयबा च शामिल होई गया हा, तांजे बन्ने पारा सवां भारत ते खीस करी रियासत जम्मू-कश्मीर च आतंकवादी गतिविधियें गी जारी रक्खी सकै।

<><><><><><>

Dar Farming

राई-बाई मंत्री जावेद अहमद डार होरें करसानें गी अपील कीती ऐ जे ओ ओह नियमित तौर पर साईसदानें कन्नै गल्ल करन तां जे उनेंगी राई-बाई मुतल्लक नमीं तकनीकें दे तौर-तरीके बारे पता लग्गी सकै। डार हुंदा एह ब्यान SKUAST कश्मीर च इक जागरूकता ते प्रदर्शनी गी सम्बोधित करदे होई आया। इस मौके पर बोलदे होई मंत्री होरें उजागर कीता जे एह इक महत्वपूर्ण ते बेहतरीन इदारा ऐ। इस इदारे दे शैक्षणिक अमले दे योगदान, शोध, अनुसंधान दी सराहना करदे होई उनें SKUAST कश्मीर दी महत्वपूर्ण भूमिका पर जोर पाया। उनें आखेया जे नमियें काड्डे, तकनालोजी, हुनरमंद मान संसाधन तयार करने ते करसान समुदाय दे सशक्तिकरण लेई इस इदारे नै महत्वपूर्ण भूमिका निभाई ऐ ते एह गतिविधियां जम्मू-कश्मीर दे समाजिक ते आर्थिक विकास लेई महत्वपूर्ण न। मगरा पत्रकारें कन्नै गल्ल करदे होई उनें आखेया.

S & T- TAC

जम्मू-कश्मीर विज्ञान टेक्नालोजी ते नवाचार परिषद दी तकनीकी सलाह कमेटी दी दंडु दिनें दी बैठक दा सरिस्ता जम्मू-कश्मीर सरकार दे विज्ञान ते टेक्नोलोजी मैहकमे आसेया श्रीनगर दे शेर-ए-कश्मीर अंतराष्ट्रीय कांफ्रेंस सेंटर च कीता गया। कल सम्पन्न होई दी इस बैठक दी अध्यक्षता विज्ञान ते टेक्नोलोजी मैहकमे दे सचिव डाक्टर शाहिद इकबाल चौधरी होरें कीती। बैठक दा मकसद, प्रायोजित शोध ते विस्तार कार्यक्रम दे प्रस्ताव दा मूलांकन करियै इसी मुकदा रुप देना हा। इस बरे मैहकमे गी 525 प्रोजैक्ट प्रस्ताव हासल होए न, जिन्दे चा 306 कश्मीर ते 219 जम्मू प्रांतै थमां न। इनै प्रस्तावें दी 20 बक्ख-बक्ख क्षेत्र केन्द्रित पैहलुएं साबबबै समीक्षा कीती गई जिन्दे च जलवायु परिवर्तन, ग्लेशियरें बारे अध्ययन ते कुदरती करोपिया ते इस चाली दे होर क्षेत्र ते विषय शामिल हे।

Sports –Ramban

युवा सेवाएं ते खेड्डें सरबन्धी विभाग रामबन नौजवानें गी खेड्ड गतिविधियें च शामिल करने लेई केई कार्यक्रम आयोजित करदा रौहन्दा ऐ। इस्सै सिलसिले तैहत मैहकमा जिला सतह पर शतरंज प्रतियोगिता लोआने जा रदा ऐ। एहदा मकसद स्कूली बच्चें च पढ़ाई दे कन्नो-कन्नी खेड्ड, शारीरिक ते मानसिक विकास दियें गतिविधियें लेई दिलचस्पी पैदा करना ऐ। इनै गतिविधियें दी मदद कन्नै बच्चें दा शारीरिक, मानसिक ते मनोवैज्ञानिक ते पूरे-पराते व्यक्तित्व दा विकास यकीनी बनाया जाई सकदा ऐ। खेड्ड, समाजी ते सांस्कृतिक गतिविधियें च हिस्सा

लेइयै बच्चें ते नौजवानें च मकाबलेंवाजी दी भावना विकसित हुंदी ऐ ते मैहकमा इस चाली दियें गतिविधियें गी करदे रौहने लेई दृढ़ संकल्प ऐ। इस बारे आकाशवाणी समाचार कन्नै गल्ल करदे होई रामबन दे जिला युवा सेवा ते खेड्ड अधिकारी जगदीश राज शर्मा होरें आखेया.

<><><><><><>